

歷  
代  
賦  
話

歷代賦話卷六

嘉善浦 銑柳愚輯

宋書

崔實四人月令曰祖者道神黃帝之子曰累祖好遠遊  
死道路故祀以爲道神合祖賦序曰漢用丙午魏用丁  
未晉用孟月之酉曰莫識祖之所由說者云祈請道神  
謂之祖有事于道者君子行役則列之于中路喪者將  
遷則稱名于階庭或云百代遠祖名謚彫滅墳塋不復  
存于銘表游魂不得託于廟祊故以初歲良辰建華蓋  
揚絲旌將以招靈爽庶衆祖之來憑云爾

歷志

歷代賦話

卷六

正集

十一

云魏元會儀無存者案何植許都賦曰元正大饗壇彼西南旗幕戟戟檐宇宏深王沈正會賦又曰華幄映于飛雲朱幕張于前庭絙青帷于兩階象紫極之崢嶸延百辟于和門等尊卑而奉璋此則大饗悉在城外不在宮內也臣案魏司空王朗奏事曰故事正月朝賀殿下設兩百華鐙對于二階之間端門設庭燎火炬端門外設五尺三尺鐙月照星明雖夜猶晝矣如此則不在城外也何王二賦本不在洛京何云許都賦時在許昌也王賦又云朝四國于東廵亦賦許昌正會也晉武帝世更定元會注今有咸寧注是也傳元元會賦曰考夏后之遺訓綜殷周之典藝採秦漢之舊儀定元正之嘉會

此則兼採衆代可知矣

禮志

銑按蕭子顯南齊書禮志云魏武都鄴正會文昌殿用漢儀又設百華銓後魏文修洛陽宮室權都許昌宮殿狹小元日于城南立壇殿青帷以爲門設樂饗會後還洛陽依漢舊事

周禮女巫掌歲時祓除齏浴如今三月上巳如水上之類也月令莫春天子始乘舟蔡邕章句曰陽氣和暖鮪魚時至將取以薦寢廟故因是乘舟禊于名川也論語莫春浴乎沂洎上及下古有此禮今三月上巳祓于水濱蓋出此也邕之言然張衡南都賦祓于陽濱又是也或用秋漢書八月祓于霸上劉楨魯都賦素秋二七天

漢指隅人胥祓除國子水嬉又是用七月十四日也自魏以後但用三日不以已也

薛綜東京賦注以雲罕九游爲旌旗別名亦不辨其形案魏命晉王建天子旌旗置旄頭雲罕是知雲罕非旌旗也徐廣車服志注以爲九游游車九乘雲罕疑是畢罕詩敘曰齊侯田獵畢弋百姓苦之畢罕本施游獵遂爲行飾乎潘岳藉田賦先敘五路九旗次言瓊鉞雲罕若罕爲旗則岳不應頻句于九旗之下又以其物匹鉞戟宜是今畢網明矣此說爲得之

大明四年正月戊辰尚書左丞荀萬秋奏藉田儀注皇帝冠通天冠朱紘青介幘衣青紗袍侍中陪乘奉車郎

乘轡案漢輿服志曰通天冠乘輿常服也若斯豈可以  
常服降千畝耶禮記曰昔者天子爲藉千畝冕而朱紱  
躬乘耒耜鄭元注周官司服異服同冕尊故也時服雖  
變冕制不改又潘岳藉田賦云常伯陪乘太僕乘轡推  
此輿駕藉田宜冠冕璫十二璽朱紱黑介幘衣青紗袍  
常伯陪乘太僕乘轡宜改儀注一遵二禮以爲定儀詔  
可並全上

傅亮字季友北地靈州人也亮布衣儒生僥幸際會旣  
苦宰輔兼總重權少帝失德內懷憂懼作感物賦以寄  
意焉本傳

謝惠連幼而聰敏年十歲能屬文爲雪賦以高麗見奇

附謝方明傳

王華字子陵琅邪臨沂人會稽孔寧子與華竝有富貴之願自羨之等乘權日夜搆之于太祖華每閉居諷詠常誦王粲登樓賦曰冀王道之一平假高衢而騁力出入逢羨之等每切齒憤咤歎曰當見太平時不

本傳

何尚之字彥德廬江潯人也轉尚書令領太子詹事致仕于方山若退居賦以明所守而議者咸謂尚之不能固志詔書敦勸尚之復攝職

本傳

謝靈運陳郡陽夏人少好學博覽羣書文章之美江左莫逮高祖伐長安奉使慰勞高祖于彭城作撰征賦少帝卽位出爲永嘉太守在郡一周稱疾去職遂移籍會

稽修營別業傍山帶江盡幽居之美有終焉之志作山  
居賦并自注以言其事

本傳

殷淑儀南郡王義宣女也麗色巧笑義宣敗後帝密取  
之寵冠後宮假姓殷氏左右宣泄者多死故當時莫知  
所出及薨追贈貴妃時有巫者能見鬼說帝言貴妃可  
致帝大喜令召之有少頃果于帷中見形如平生帝欲  
與之言默然不對將執手奄然便歇帝尤哽恨于是擬  
李夫人賦以寄意焉

南史后  
妃列傳

謝莊字希逸陳郡陽夏人年七歲能屬文元嘉二十九  
年除太子中庶子時南平王鑠獻赤鸚鵡普詔羣臣爲  
賦太子左衛率袁淑文冠當時作賦畢齋以示莊莊賦



亦竟淑見而歎曰江東無我卿當獨秀我若無卿亦一時之傑也遂隱其賦孝建二年莊及度支尚書顧凱之竝補選職遷右衛將軍加給事中時河南獻舞馬詔羣臣爲賦莊所上甚佳

本傳

銑按李延壽南史莊傳又云孝建元年遷左將軍莊有口辯孝武嘗問顏延之曰謝希逸月賦何如答曰美則美矣但莊始知隔千里今共明月帝召莊以延之答語語之莊應聲曰延之作秋胡詩始知生爲人離別沒爲長不歸帝撫掌竟曰

王素字休業琅邪臨沂人輕身往東陽隱居不仕頗營田園之資得以自立愛好文義不以人俗累懷素旣屢

被徵辟聲譽甚高山中有蛇蟲聲清長聽之使人厭  
而其形甚醜素乃爲蛇賦以自況

隱逸  
列傳

璞字道真好學不倦善屬文元嘉十七年始興王濬爲  
揚州刺史寵愛殊異以爲主簿璞嘗作舊宮賦久而未  
畢濬與璞疏曰卿嘗有速藻舊宮何其淹耶想行就耳  
璞因事陳答辭義可觀

沈約  
自序

### 南齊書

婦人吳郡韓蘭英有文辭宋孝武時獻中興賦被賞入  
宮宋明帝時用爲宮中職僚及武帝以爲博士教六宮  
書學以其年老多識呼爲韓公云

南史武穆  
裴皇后傳

王僧虔善隸書著書賦傳于世

本傳

張融字思光吳郡吳人也浮海至交州于海中作海賦  
文辭詭激獨與衆異後還京師以示鎮國將軍顧凱之  
凱之曰卿此賦實超元虛但悵不道鹽耳融卽求筆注  
之曰漉沙搆白熬波出素積雪中春飛霜暑路此四句  
後所足也融自名集爲玉海司徒褚淵問玉海名融答  
玉以比德海崇上善文集數十卷行于世張氏知名前  
有敷演鏡暢後有充融卷優

本傳

王僧祐負氣不羣儉常候之辭不相見世祖數閱武僧  
祐獻講武賦儉借觀僧祐不與

附王秀之傳

卞彬字士蔚濟陰宛句人也彬才操不羣文多指斥家  
貧出爲南康郡丞彬頗飲酒擯棄形骸作蚤虱賦序曰

余居貧布衣十年不制一袍之緼有生所託資其寒暑  
無與易之爲人多病起居甚疎縈寢敗絮不能自釋兼  
攝性懈惰嬾事皮膚澡刷不謹澣沐失時四體耗耗加  
以臭穢故葦席蓬纓之間蚤虱猥流淫癢涓瀘無時忍  
肉探揣攫撮日不替手虱有諺言朝生暮孫若吾之虱  
者無湯沐之慮絕相弔之憂晏聚乎久襟爛布之裳服  
無改換指齧不能加脫略緩嬾復不慙於捕討孫孫息  
息三十五歲焉其略言皆實錄也其蝦蟇賦云紆青拖  
紫名爲蛤魚世謂比令僕也又云科斗唯唯浮羣閭水  
維朝繼夕聿役如鬼比令史諮事也文章傳于閭巷永  
明中琅邪諸葛勗爲國子生作雲中賦指祭酒以下皆

有形似之目坐繫東冶作東冶徒賦世祖見而赦之

文傳

銑按南史彬傳云嘗于東府謁高帝大忤旨因此擯棄數年乃爲枯魚賦以喻意後爲南康郡丞

顧歡字景怡吳郡鹽官人也歡年六七歲知六甲家貧父使驅田中雀歡作黃雀賦而歸雀食過半父怒欲撻之見賦乃止

高逸傳

銑按南史歡一字元平

沈麟士字雲禎吳興武康人少好學家貧織簾誦書口手不息或勸麟士仕答曰魚縣獸檻天下一契聖人元所以每履吉先悟誠未能景行坐忘何爲不希企口

損乃作元散賦以絕世

全上

銑按南史麟作麟又云年過八十耳目猶聰明以火故鈔寫細書復成二三千卷時人以爲養身靜嘿所致製黑蝶賦以寄意

梁書

沈約字休文吳興武康人博通羣籍能屬文性少嗜欲雖時遇隆重而居處儉素立宅東田矚望郊阜嘗爲郊

居賦

本傳

陸倕字佐公吳郡吳人少勤學善屬文天監初爲右軍安成王外兵參軍轉主簿與樂安任昉友善爲感知已賦以贈昉昉因此名以報之

本傳

張率字子簡吳郡吳人年十二能屬文天監初以率爲  
鄱陽王友遷司徒謝朓掾直文德待詔省敕使抄乙部  
書又使撰婦人事二千餘條勒成百卷使工書人琅邪  
王深吳郡范懷約褚洵等繕寫以給後宮率又爲待詔  
賦奏之甚見稱賞手敕答曰省賦殊佳相如工而不速  
枚臯速而不工卿可謂兼二子于金馬矣四年三月禊  
飲華光殿其日河南國獻舞馬詔率賦之時與到洽周  
興嗣同奉詔爲賦高祖武以率及興嗣爲工少好屬文  
七略及藝文志所載詩賦今亡其文者竝補作之本傳  
銑按南史王深作王琛到洽作到漑

王筠字元禮一字德柔琅邪臨沂人幼警悟七歲能屬

文年十六爲芍藥賦甚美尚書令沈約當世辭宗每見  
筠文咨嗟吟咏以爲不逮也約製郊居賦構思積時猶

未都畢乃要筠示其草筠讀至雌霓五微反連螭約撫掌

欣抃曰僕嘗恐人呼爲霓五微反次至墜石礚星及冰懸

埒而帶坻筠皆擊節稱賞約曰知音者希真賞殆絕所

以相要政在此數句耳本傳

張纘字伯緒大同九年遷宜惠將軍丹陽尹未拜改爲

使持節都督湘桂東寧三州諸軍事湘州刺史述職經

塗乃作南征賦本傳

蕭子恪字景冲蘭陵人齊豫章文獻王疑第二子也永

明中以王子封南康縣侯年十二和仲兄司徒竟陵王



高松賦衛軍王儉見而奇之

本傳

子顯字景陽子恪第八弟也好學工屬文嘗著鴻序賦尚書令沈約見而稱曰可謂得明道之高致蓋幽通之流也子顯嘗爲自序其略云每有製作特寡思功須其自來不以力構少來所爲詩賦則鴻序一作體兼衆製文備多方頗爲好事所傳故虛聲易遠

本傳

子暉字景光少涉書史亦有文才性恬靜寡嗜好嘗預重雲殿聽制講三慧經退爲講賦奏之甚見稱賞

本傳

朱异字彥和吳郡錢塘人初侯景謀反合州刺史鄱陽王範司州刺史羊鴉仁竝累有啓聞异以景孤立寄命必不應爾乃謂使者鄱陽王遂不許國家有一客竝抑

而不奏故朝廷不爲之備及寇至城內文武咸尤之皇太子簡文又製圍城賦其末章云彼高寇及厚履竝鼎食而乘肥升紫霄之丹地排玉殿之金扉陳謀謨之啓沃宣政刑之福威四郊以之多壘萬邦以之未綏問豺狼其何者訪虺蜴之爲誰蓋以指于昇昇因慙憤發病卒

本傳

銑按南史云侯景至城下又射啓言朱昇等蔑弄朝權輕作威福臣爲讒臣所陷欲加屠戮陛下誅昇等臣歛轡北歸武帝問簡文曰有是乎對曰然

王規字威明琅邪臨沂人天監十二年改構太極殿功畢規獻新殿賦其辭甚工

本傳

劉孺字孝稚彭城安上里人也七歲能屬文孺少好文  
章性又敏速嘗于御坐爲李賦受詔便成文不加點高  
祖甚稱賞之 本傳

銑按南史作劉孺字季功

周興嗣字思纂陳郡項人博通記傳善屬文高祖革命  
興嗣奏休平賦其文甚美高祖嘉之拜安成王國侍郎  
直華林省其年河南獻舞馬詔興嗣與待詔到溉張率  
爲賦高祖以興嗣爲工左衛率周捨奉敕注高祖所製  
歷代賦啓興嗣助焉 文學傳

廣陵高爽工屬文天監初歷官中軍臨川王參軍出爲  
晉陽令坐事繫泊作鑊魚賦以自况其文甚工後遇赦

獲免

附吳均傳

何朗字子明早有才思工清言嘗爲敗家賦擬莊周馬

極其文甚工

附何思澄傳

統按南史子明作世明敗家作敗家疑梁書誤也

劉杳字士深平原人少好學博綜羣書沈約任昉以下每有遺忘皆訪問焉有人餉昉楮酒而作楬字昉問杳此字是不杳對曰葛洪字苑作木旁楮昉又曰酒有千日醉當是虛言杳曰桂陽程鄉有千里酒飲之至家而醉亦其例也昉大驚曰吾自當遺忘實不憶此杳云出楊元鳳所撰置郡事元鳳是魏代人此書仍載其賦云三重五品商溪擦里昉卽檢楊記言皆不差除雲麾晉

安王府參軍詹事徐勉舉沓及顧協等五人入華林撰  
編略書成以本官兼廷尉正又以足疾解因著林庭賦  
王僧孺見之歎曰郊居以後無復此作事昭明太子太  
子薨新宮建舊人例無停者敕特留沓焉仍注太子徂  
歸賦稱爲博悉

謝徵字元度陳郡陽夏人幼聰慧旣長美風采好學善  
屬文與河東裴子野沛國劉顥同官友善子野嘗爲寒  
夜直宿賦以贈徵徵爲感友賦以酬之

臧嚴字彥威東莞莒人也孤貧勤學行止書卷不離于  
手從叔未甄爲江夏郡攜嚴之官于塗作屯游賦任昉  
見而稱之

並全上

陳書

沈衆字仲師吳興武康人祖約衆好學頗有文才梁武帝制千字詩衆爲之注解與陳郡謝景同時召見于文德殿帝令衆爲竹賦賦成奏之帝手敕答曰卿文體翩翩可謂無忝爾祖

本傳

銑按南史仲師作仲興後漢書鄭衆字仲師或南史誤也

徐份少有父風年九歲爲夢賦陵見之謂所親曰吾幼屬文亦不加此

附徐陵傳

江總字總持濟陽考城人幼聰敏及長篤學有辭采侯景寇京都臺城陷總避難崎嶇累年至會稽郡憇于龍

華寺乃製修心賦略敘時事

本傳

陵從典字由儀幼而聰敏年十三作柳賦其詞甚美瓊時爲東宮管記官僚竝一時俊偉瓊示以此賦咸奇其

異才

附陸瓊傳

銑按南史十三作十二

顧野王字希馮吳郡人也幼好學九歲能屬文嘗製日賦領軍朱异見而奇之

本傳

蔡凝字子居濟陽考城人博涉經傳有文辭後主嗣位授晉安王諮議參軍轉給事黃門侍郎尋遷信威晉熙王府長史鬱鬱不得志乃喟然歎曰天道有廢興夫子云樂天知命斯理庶幾可達因製小室賦以見志甚有

辭理 文學傳

南史已見宋齊梁陳書者不錄

廢帝東昏侯寶卷永元三年帝出游火燒璿儀曜靈等十餘殿及栢寢北至華林西至秘閣三千餘間皆盡左右趙鬼能讀西京賦云栢梁旣災建章是營于是大起諸殿芳樂芳德仙華大興含德清曜安壽等殿齊本紀

銑按魏志高堂隆傳崇華殿災詔問隆吾聞漢武帝時栢梁災而大起宮殿以厭之其義云何隆對曰臣聞西京栢梁旣災越巫陳方建章是經以厭火祥乃夷越之巫所爲非聖賢之明訓也五行志曰栢梁災其後有江充巫蠱也衛太子事如志之言越巫建章



唐何遜詩卷六  
三  
無所厭也隆之言不亦正乎不亦正乎

謝朓字元暉少好學有美名文章清麗朓常輕江祏爲人後祏及弟祀劉渢劉晏俱候朓朓謂祏曰可謂帶二江之雙流以嘲弄之祏轉不堪

本傳

銑按帶二江之雙流句出左思蜀都賦

謝舉字言揚大同三年出爲吳郡太守爲虎邱山賦題于寺

本傳

王儉字仲寶幼篤學手不釋卷齊高帝時朝議草創衣服制則未爲定準儉議曰漢景六年梁王入朝中郎謁者金貂出入殿門左思魏都賦云藹藹列侍金貂齊光此藩國侍臣有貂之明文

本傳

王彬字思文好文章習篆隸齊武帝起舊宮彬獻賦文

辭典麗

本傳

何遜從叔憫字彥夷亦以才著聞宦遊不達作拍張賦以喻意末云東方曼倩發憤于侏儒遂與火頭食子稟賜不殊位至臺郎

何遜傳

銑按南史王敬則傳敬則善拍張宋帝使跳刀接無不中仍撫髀拍張拍張手搏摔胡戲也

庾登之字元龍少以經濟自立初爲宋武帝鎮軍參軍預討桓元功封曲江縣五等男累遷新安太守謝晦爲荊州刺史請爲長史南郡太守仍爲衛軍長史登之與晦俱曹氏壻名位本同一旦爲之佐意甚不愜嘗于晦

坐誦西征賦云生有修短之命位有通塞之遇晦雖恨而嘗優容之

本傳

江祿字彥遐幼篤學有文章撰列仙傳十卷行于世及并絜臯木人賦敗船詠竝以自喻

本傳

劉諒字求信少好學有文才位中書宣城王記室爲湘東王所善王嘗游江濱歎秋望之美諒對曰今日可謂帝子降于北渚王有目疾以爲刺已應曰卿言目眇眇以愁予耶從此嫌之

本傳

銑按二句出九歌湘君湘東一目故以爲嫌矣

江夏王鋒字宣穎高帝第十二子也十歲便能屬文武帝出爲南徐州刺史隆昌元年爲侍中領驍騎將軍尋

加秘書監及明帝知權藩邸危懼常忽忽不樂著修栢  
賦以見志曰旣殊羣而抗立亦含貞而挺正豈春日之  
自芳在霜下而爲盛衝風不能摧其枝積雪不能改其  
性雖坎凜于當年庶後彫之可詠時鼎業潛移鋒獨慨  
然有匡復之意邇之行事典籤故不遂也鋒有武力明  
帝殺諸王遂逼害之江陵聞其死流涕曰芳蘭當門不  
得不鋤其修栢之賦乎

齊高帝  
諸子傳

南海王子罕字雲華武帝第十一子也頗有學母樂容  
華有寵故武帝留心母嘗寢疾子罕晝夜祈禱于時以  
竹爲鐙續照夜續宿昔枝葉大茂母病亦愈咸以爲孝  
感所致主簿劉襲及侍讀賀子喬爲之賦頌當時以爲

美談建武元年位護軍將軍二年見殺年十七

齊武帝諸子傳

劉歊字士光博學有文才與族弟訐並隱居求志遨遊  
林澤以山水書籍相娛而已訐之疾歊盡心救療及卒  
哀傷爲之誄又著悲友賦以序哀情

本傳

鄱陽忠烈王世子範字世儀雖無學術而愛奇玩古招  
集文才率意題章亦時有奇致嘗得舊琵琶題云齊竟  
陵世子範嗟人往物存攬筆爲詠以示湘東王王吟咏

其辭作琵琶賦和之

梁宗室列傳

陳暄學不師受文才俊逸後主之在東宮引爲學士及  
卽位恒入禁中陪侍遊宴謂爲狎客暄素通脫以俳優  
自居文章諧謔語言不節後主甚親昵而輕侮之嘗倒

縣于梁臨之以刃命使作賦仍限以晷刻喧援筆卽成  
不以爲病而傲弄轉甚後主稍不能容

本傳

會稽孔迨抗直有才藻製東都賦于時才士稱之

附邱巨源

紀僧猛能飛白書作飛白賦

思倖傳

銑按宋書傅亮感物賦謝靈運撰征山居二賦孝武  
帝擬李夫人賦謝莊舞馬賦南齊書張融海賦梁書  
沈約郊居賦任昉感知已賦張率舞馬賦陳書江總  
修心賦皆載本傳不錄

歷代賦話卷七

嘉善浦 銑柳愚輯

魏書

順字子和下帷讀書篤志愛古性褻愕淡于榮利城陽王徽與徐紇間順于靈太后順疾徽等間之遂爲蠅賊曰余以仲秋休沐端坐衡門寄想琴書託情紙翰而蒼蠅小蟲往來牀几疾共變白聊爲賦云

任城王傳

銑按北史任城王雲長子澄第四子夔夔庶長兄順初城陽王徽慕才名偏相賞納而廣陽王深大爲嫌隙及深自定州被徵順爲詔書辭頗優美徽疑順爲深左右由是與徐紇間順于靈太后

彭城王勰字彥和博綜經史雅好屬文北海王詳言勰大得人情不宜久在宰輔世宗謂勰曰頃來南北務殷不容仰遂冲操今遂叔父高蹈之意勰因是作蠅賦以諭懷惡讒構也

獻文六王列傳

李騫字希義博涉經史文藻富盛年十四國子學生以聰達見知歷大將軍府法曹參軍太宰府主簿轉中散大夫遷中書舍人加通直散騎常侍曾爲釋情賦

附李順傳

裴宣字叔令家世以儒學爲業嘗慕廉退乃謂親賓曰吾本閭閻之士素無當世之志直隨牒推移遂至于此祿後養親道不光國贈言往哲可以言歸矣因表求解

世宗

宜武

不許乃作懷田賦以叙心焉

附裴駿傳



銑按北史祿後作祿厚

盧元明字幼章涉歷羣書兼有文義永熙末居洛東緱山乃作幽居賦焉

盧元傳

高允字伯恭渤海人也轉太常卿本官如故允上代都賦因以規諷亦二京之流也

本傳

胡叟字倫許安定臨涇人好屬文高閭曾造其家叟從田舍歸爲閭設濁酒蔬食閭見其貧約贈之亦無辭愧閭作宣命賦叟爲之序

本傳

銑按北史辭愧作辭免高閭字閭士漁陽雍奴人有傳

邢產字神寶好學善屬文少時作孤蓬賦爲時所稱

附邢

繼傳

李諧字虔和風流閑潤博學有文辯元顥入洛以爲給

事黃門侍郎顥敗除名乃爲述身賦

附李平傳

甄密字叔雍清謹少嗜欲頗涉書史太和中奉朝請密

疾世俗貪競乾沒榮寵曾作風賦以見意

附甄平傳

裴景融字孔明篤學好屬文雖才不稱學而緝綴無倦

造鄴都晉都賦云

附裴延儔傳

袁翻字景翔陳郡項人也熙平初除冠軍將軍廷尉少

卿尋加征虜將軍後出爲平陽太守翻爲廷尉頗有不

平之論及之郡甚不自得遂作思歸賦

本傳

陽固字敬安有天才初世宗委任羣下不甚親覽尚書

令高肇以外戚權寵專決朝事又咸陽王禧等並有累  
故宗室大臣相見踈薄而王畿民庶勞弊益甚固乃作  
南北二都賦稱恒代田漁聲樂侈靡之事節以中京禮  
儀之式因以諷諫世宗末中尉王顯因奏固剝請米麥  
免固官既無事役遂闔門自守著演蹟賦以明幽微通

塞之事

附陽尼傳

梁祚北地泥陽人祚居趙郡篤志好學歷治諸經作代  
都賦頗行于世

儒林傳

封肅字元邕渤海人早有文思博涉經史位太學博士  
修起居注兼廷尉監爲還園賦其辭甚美

文苑傳

裴伯茂河東人少有風望學涉羣書文藻富贍伯茂好

飲酒頗涉疎傲久不徙官曾爲豁情賦其序畧曰余攝  
養舛和服餌寡術自春徂夏三嬰疾雖桐君上藥有  
時致效而草木下性實繁懷抱故復究覽莊生具體齊  
物物我兩忘是非俱遣斯人之達吾所師焉故作是賦  
所以託名豁情寄之風謠矣天平初遷鄴又爲遷都賦  
邢昺字子明河間人好學早有才情太昌初除中書侍  
郎加平東將軍光祿大夫時言冒竊官級爲中尉所劾  
免官乃爲述躬賦 並全上

李謐字永和涿郡人少好學博通諸經謐不飲酒好音  
律愛樂山水高尚之情長而彌固一遇其賞悠爾忘歸

乃作神士賦

逸士  
列傳

張淵不知何許人明古候曉內外星分神席二年世祖  
武將討蠕蠕淵與徐辯皆謂不宜行與崔浩爭于世祖  
前淵守常占而不能鉤深致遠故不及浩後爲驃騎軍  
謀祭酒嘗爲觀象賦 藝術傳

銑按北史張淵作張深避唐諱初學記云宋張鏡非  
也

### 北齊書

武成皇后胡氏產後主武成崩尊爲皇太后帝聞太后  
不謹幽太后北宮久之帝復迎太后周使元偉來聘作  
述行賦敘鄭莊公克段而遷姜氏文雖不工當時深以  
爲愧 后妃列傳

司馬膺之字仲慶少好學好讀太元經注揚雄蜀都賦

每云我欲與揚子雲周旋

附司馬子如傳

盧詢祖有術學文章華靡爲後生之俊天保末以職出爲築長城子使自負其才內懷鬱快旣至役所作築長城賦其畧曰板則紫柏杵則木瓜何斯材而斯用也草則離離靡靡綠岡而殖但使十步而有一芳余亦何辭

問于荆棘

盧文偉傳

魏收字伯起小字佛助鉅鹿下曲陽人也年十五頗已屬文孝武嘗大發士卒狩于嵩少之南旬有六日時天寒朝野嗟怨帝與從官及諸妃主奇伎異飾多非禮度收欲言則懼欲嘿不能已乃上南狩賦以諷焉時年二

十七雖富言淫麗而終歸雅正帝手詔報焉甚見褒美  
初神武因讓天柱大將軍魏帝敕收爲詔令遂所請欲  
加相國問品秩收以實對帝遂止收旣未測主相之意  
以前事不安求解詔許焉久之除帝兄子廣平王贊開  
府從事中郎收不敢辭乃爲庭竹賦以致已意副王听  
使梁在途作聘遊賦辭甚美盛三臺成文宣曰臺成須  
有賦楊旆先以告收收上皇居新殿臺賦其文甚壯麗  
時所作者自邢邵以下咸不逮焉收上賦前數日乃告  
邢邵後告人曰收甚惡人不早言之收娶其舅女崔昂  
之妹產一女無子魏太帝劉芳孫女中書郎崔肇師女  
夫家坐事帝竝賜收爲妻時人比之賈充左右夫人然

無子後病甚恐身後嫡媵不平乃放二姬及疾瘳追憶  
作離懷賦以申意收以溫子昇全不作賦邢雖有一兩  
首又非所長常云會須作賦始成大才士惟以章表碑  
誌自許此外更同兒戲

本傳

銑按佛助作賦大才雅自期許乃新殿庭竹南狩離  
懷諸篇亦未得見反不及邢特進猶存新宮一賦也  
永叔新唐書藝文志論所云亦其有幸不幸者歟

劉晝字孔昭渤海阜城人少孤貧愛學負笈從師伏膺  
無倦三禮服氏春秋俱通大義舉秀才入京考策不第  
乃恨不學屬文方復緝綴辭藻言甚古拙制一首賦以  
六合爲名自謂絕倫吟諷不輟乃歎曰儒者勞而少工



見于斯矣我讀儒書二十餘年而答策不第始學作文  
便得如是曾以此賦呈魏收收謂人曰賦名六合其愚  
已甚及見其賦又愚于名

儒林傳

銑按北史又云晝又以示邢子才子才曰君此賦正  
似疥駱駝伏而無斌媚

顏之推字介珣邪臨沂人也博覽羣書無不該洽詞情  
典麗甚爲西府所稱曾撰觀我生賦文致清遠

文苑傳

### 後周書

柳慶字更興解人也幼聰敏博涉羣書年十三因曝書  
父僧習謂慶曰汝雖聰敏吾未經特試乃令慶于雜賦  
集中取賦一篇于有餘言慶立讀三編便卽誦之無所

遺漏 本傳

李昶頓邱臨黃人祖彪名重魏朝父遊亦有才行昶幼年已解屬文有聲洛下時洛陽初制明堂昶年十數歲爲明堂賦雖優洽未足而才制可觀見者咸曰有家風矣 本傳

銑按北史昶小名那才制作才志

庾信字子山南陽新野人信幼而俊邁聘敏絕倫博覽羣書尤善春秋左氏傳侯景作亂臺城陷信奔于江陵梁元帝卽位來聘于我屬大軍南討遂留長安孝閔帝踐阼遷驃騎大將軍開府儀同三司世宗 明高祖武帝並雅好文學信特蒙恩禮信雖位望通顯常有鄉關之思

乃作哀江南賦以致其意云

本傳

蕭大圓字仁顯梁簡文帝之子也幼而聰敏神情俊悟年四歲能誦三都賦及孝經論語

本傳

銑按北史仁顯簡文帝第二十子

劉璿字寶義沛人少好讀書兼善文章太祖

周文

既納蕭

循之降又許其反國循請與璿俱還太祖不許以璿爲中外府記室尋遷黃門侍郎儀同三司嘗臥疾居家對雪興感乃作雪賦以遂志云

本傳

銑按北史蕭循俱作蕭脩

蕭簪字理孫蘭陵人也梁武帝之孫昭明太子統之第三子幼而好學善屬文江陵平太祖立簪爲梁王居江

陵東城既而關城長幼被虜入關又失襄陽之地又見  
邑居殘毀干戈日用耻其威畧不振常懷憂憤乃著愍  
時賦以見意 本傳

蔡大寶字敬位濟陽考城人篤學不倦善屬文督荏襄  
陽遷諮議叅軍及梁元帝與河東王譽結隙督令大寶  
使江陵以觀之梁元帝素知大寶見之甚悅乃示所制  
元覽賦令注解焉三日而畢元帝大嗟賞之贈遺甚厚

附蕭  
督傳

### 隋書

屬車案古者諸侯貳車九乘秦滅九國兼其車服故爲  
八十一乘漢遵不改大業初屬車備八十一乘至三年

二月帝嫌其多問起居部郎闕毗毗曰臣共宇文愷參詳故實此起于秦遂爲後式故張衡賦云屬車九九是也禮儀志

宣華夫人陳氏陳宣帝之女也性聰慧姿貌無雙及陳滅配掖庭後選入宮爲嬪文獻皇后崩進位爲貴人及上大漸遺詔拜爲宣華夫人煬帝嗣位之後出居仙都宮尋召入歲餘而終時年二十九帝深悼之爲製神傷

賦

后妃列傳

煬帝蕭皇后性婉順有智識好學解屬文后見帝失德心知不可不敢厝言因爲述志賦以自寄

全上

于宣敏字仲達河南雒陽人少沉密有才思高祖踐阼

拜奉車都尉宣敏常以盛滿之誠昔賢所重每懷靜退

著述志賦以見其志焉

附于義傳

李德林字公輔博陵安平人幼聰敏年數歲誦左思蜀都賦十餘口便度善屬文辭覈而理暢撰春思賦一篇

代稱典麗

本傳

溫字明籀初徙零陵好學解屬文既而作零陵賦以自寄其辭哀思帝見而怒之轉徙南海

附滕穆王璜傳

盧思道字子行范陽人也高祖爲丞相遷武陽太守非其好也爲孤鴻賦以寄其情其序曰余志學之歲自鄉里遊京師便見識知音歷受羣公之眷年登弱冠甫就朝列談者過誤遂竊虛名通人楊令君邢特進以下皆

分庭致禮倒屣相接剪拂吹噓長其光價而才本驚拙  
性實疎嬾勢利貨殖淡然不營雖籠絀朝市且三十載  
而獨往之心未始去懷抱也攝生外和有少氣疾分符  
坐嘯作守東原洪河之涘沃野彌望籌務旣屏魚鳥爲  
隣有離羣之鴻爲羅者所獲野人馴養貢之于余置諸  
池庭朝夕賞翫旣用銷憂兼以輕疾大易稱鴻漸于陸  
羽儀盛也揚子曰鴻飛冥冥騫翥高也淮南云東歸碣  
石遯歸暑也平子賦曰南寓衡陽避祁寒也若其雅步  
清音遠心高韻鵠鸞已降罕見其儔而鍛翮墻陰偶影  
獨立唼喋粃稗雞鶩爲伍不亦傷乎余五十之年忽焉  
已至永言身事慨然多緒乃爲之賦聊以自慰云

本傳

辛德源字孝基隴西狄道人沉靜好學年十四解屬文  
高祖受禪不得調者久之隱于林慮山鬱鬱不得志著  
幽居賦以自寄 本傳

銑按北史孝基作孝祖

柳詵字顧言本河東人也少聰敏解屬文轉晉王 煬帝 諮

議叅軍王好文雅招引才學之士諸葛穎虞世南王胄  
朱瑒等百餘人以充學士而詵爲之冠王以師友處之  
每有文什必令其潤色然後示人常朝京師還作歸藩  
賦命詵爲序詞甚典麗 本傳

銑按字彙補辯字本作晉北齊所造也北史柳詵名  
取此譌作詵



郎茂字蔚之恆山新市人少敏慧及長稱爲學者頗解屬文帝帝賜親征遼東以茂爲晉陽宮留守其年恆山贊治王文同與茂有隙奏茂朋黨附下罔上帝大怒除名爲民徙且未郡茂怡然受命不以爲憂在途作登壇賦以自慰詞義可觀復附表自陳帝頗悟十年追還京兆本傳

銑按北史郎茂作郭茂

虞世基字茂世會稽餘姚人博學有高才仕陳陳主嘗于莫府山校獵令世基作講武賦于坐奏之陳主嘉之賜馬一匹本傳

銑按北史茂世作懋世

王貞字孝逸梁郡陳留人也少聰敏七歲好學善屬文  
詞煬帝卽位齊王陳鎮江都聞其名以書召之及貞至  
王以客禮待之又索文集善之貞復上江都賦王賜錢  
十萬貫馬二匹

文學傳

潘徽字伯彥吳郡人善屬文陳滅爲州博士秦孝王俊  
聞其名召爲學士嘗從俊朝京師在塗令徽于馬上爲  
賦行一驛而成名曰述恩賦俊覽而善之

杜正元字慎徽兄弟數人俱未弱冠並以文章才辯籍  
籍三河之間開皇末舉秀才僕射楊素負才傲物正元  
抗辭酬對無所屈撓素甚不悅會林邑獻白鸚鵡素促  
召正元使者相望及至卽令作賦正元倉卒之際援筆

立成素覓文不加點始異之乃歎曰此真秀才吾不及也

銑按北史杜正元字知禮少傳家業耽志經史隋開皇十五年舉秀才試策高第曹司以策過左僕射楊素時海內唯正元一人應秀才素志在試退正元乃手題使擬司馬相如上林賦王褒聖主得賢臣頌班固燕然山銘張載劍閣銘白鸚鵡賦曰我不能爲君住宿可至未時令就正元及時並了素讀數徧大驚曰誠好秀才命曹司錄奏又試官人有奇器闕並立成文不加點素大嗟之命吏部優敘正元弟正藏字爲善亦好學善屬文開皇十六年舉秀才時蘇威監

歷代賦詠

卷七

正集

七

選試擬賈誼過秦論及尚書湯誓匠人箴連理樹賦  
几賦弓銘應時並就又無點竄正藏弟正倫爲秀才  
兄弟三人同時應命當世嗟美之

庾質字行脩少而明敏早有志尚八歲誦梁世祖元覽  
言志等十賦拜童子郎

附庾季才傳

北史

已見魏北齊隋書者不錄

劉逖字子長文宣王崩文士竝作挽歌盧思道用八首  
逖用二首中書郎李愔戲逖曰盧八問訊劉二逖銜之  
武成時逖入典機密李愔獻賦言天保中被讒逖摘其  
文奏曰誹謗先朝大不敬武成怒大加鞭撻逖喜復前  
憾曰高槌兩下執鞭一百何如呼劉二時

附劉芳傳

魏季景收族叔也少孤清苦自立博學有文才與收相  
亞洛中號兩邢二魏天平初因遷都遂居柏人西山內  
懷憂悔乃爲擇居賦

本傳

李大師字君威好學無所不窺善綴文以譴配西會州  
大師旣至會州忽忽不樂乃爲羈思賦以見其事侍中  
觀公楊恭仁時鎮涼州見賦異之召至河西深相體重  
日與遊處

序傳

士謙字子約一名容郎善談元理嘗有客坐不信佛家  
應報義士謙喻之曰積善餘慶積惡餘殃豈非休咎耶  
佛經云轉輪五道無復窮已此則賈誼所言千變萬化  
未始有極忽然爲人之謂也佛道未來而賢者已知其

然矣

附李順傳

銑按魏書子和蠅賦李諧述身賦袁翻思歸賦陽固  
演蹟賦張淵觀象賦北齊書顏之推觀我生賦後周  
書庾信哀江南賦劉璠雪賦蕭管愍時賦隋書蕭皇  
后述志賦盧思道孤鴻賦虞世基講武賦俱載本傳  
不錄

歷代賦話卷八

嘉善浦 銑柳愚輯

唐

天寶十三載上御勤政樓試四制科舉人策外加詩賦  
各一首制舉加詩賦自此始也

舊書元宗本紀

銑按新書楊綰傳舉詞藻宏麗科元宗已試又加詩  
賦各一篇綰爲冠制舉加詩賦由綰始

長慶元年三月己未勅今年錢徽下進士及第鄭朗等  
一十四人宜令中書舍人王起主客郎中知制誥白居易  
易等重試以聞夏四月丁丑詔國家設文學之科本求  
實才苟容僥倖則異至公訪聞近日浮薄之徒扇爲朋

黨謂之關節干擾主司每歲策名無不先定永言敗俗  
深用興懷鄭朗等昨令重試意在精覈藝能不于異常  
之中固求深僻題目貴令所試成就以觀學藝淺深孤  
竹管是祭天之樂出于周禮正經閱其呈試之文都不  
知其本事辭律鄙淺蕪累何多亦令宣示錢徽庶其深  
自懷愧誠宜盡棄以警將來但以四海無虞人心方泰  
用宏寬假式示殊恩孔溫業趙存約竇洵直所試差通  
與及第盧公亮等十一人可落下自今後禮部舉人准  
開元二十五年勅及第人所試雜文並策送中書門下  
詳覆貶禮部侍郎錢徽爲江州刺史中書舍人李宗閔  
爲劍州刺史右補闕楊汝士爲開州刺史

舊書穆宗紀



銑按舊書錢徽傳宰相段文昌言徽所放進士鄭朗等皆子弟藝薄不當在選中穆宗遂命中書舍人王起主客郎中知制誥白居易于子亭重試內出題目孤竹管賦鳥散餘花落詩而十人不中選詔孔溫業趙存約竇洵直與及第裴譔特賜及第鄭朗等十人並落下可補紀之所不及

進士科起于隋大業中是時猶試策高宗朝劉思立加進士雜文建中二年中書舍人趙贊權知貢舉乃以箴論表贊代詩賦而試策三道太和八年禮部復罷進士議論而試詩賦文宗從內出題以試進士謂侍臣曰吾患文格浮薄昨自出題所試差勝乃詔禮部歲取登第

者三十人苟無其人不必充數

新書選舉志

太宗賢妃徐惠湖州長城人八歲自曉屬文父孝德嘗試使擬離騷爲小山篇曰仰幽巖而流盼撫桂枝以凝想將千齡今此遇荃何爲今獨往孝德大驚知不可掩于是所論著遂盛傳太宗聞之召爲才人手未嘗廢卷而辭致贍尉又無淹思帝益禮顧

新書后妃列傳

銑按幽巖四句舊書不載

元宗皇后王氏同州下邳人開元十二年廢爲庶人始后以愛弛不自安承間泣曰陛下獨不念阿忠脫紫半臂易斗麵爲生日湯餅耶帝惘然動容阿忠后呼其父仁岐云繇是久乃廢當時王諲作翠羽帳賦諷帝未幾

卒帝亦悔追復后號全上

銑按此一條舊書無

岑文本字景仁鄧州棘陽人祖善方後梁吏部尚書更  
家江陵父之象仕隋爲邯鄲令坐爲人訟不得申文本  
年十四詣司隸理冤辨對哀暢無所詘衆屬目爲蓮  
華賦文成合臺嗟賞遂得直新書列傳

銑按此事與裴敬彥同新書孝友傳云裴敬彥絳州  
聞喜人七歲能文章父智周補臨黃令爲下所訟敬  
彥年十四詣巡察使唐臨直枉臨奇之試命作賦賦  
工父罪已釋表敬彥于朝補陳王府典籤惜賦題不  
傳故附于此

長孫无忌字輔機從秦王征討有功皇太子建成毒王  
王病房元齡謂无忌曰禍隙已牙敗不旋踵矣遂俱入  
白王請先事誅之事益急无忌與尉遲敬德侯君集張  
公謹劉師立公孫武達獨孤彥雲杜君綽鄭仁恭李孟  
嘗討難平之王爲皇太子卽位以功第一進封齊國公  
帝又思所與共艱難賴无忌以免作威鳳賦以賜且况

其功

新書  
列傳

銑按新書姦臣傳許敬宗字延族敬宗子娶尉遲敬  
德女孫太宗賜長孫无忌威鳳賦敬宗猥稱賜敬德  
庾世南字伯施越州餘姚人篤志勤學少與兄世基受  
學于吳郡顧野王善屬文祖述徐陵陵亦言世南得已

之意隋滅太宗引爲秦王府叅軍及卽位轉佐作郎太宗重其博識每機務之暇引之談論共觀經史八年四月康國獻獅子詔世南爲之賦命編之東觀

舊唐書本傳

李百藥字重規定州安平人隋內史令安平公德林子也大業九年李子通命爲中書侍郎國子祭酒及杜伏威攻滅子通又以百藥爲行臺考功郎中或有譖之者伏威囚之百藥著省躬賦以致其情伏威亦知其無罪乃令復職太宗重其才名貞觀四年授太子右庶子五年與左庶子于志寧中允孔穎達舍人陸敦信侍講于宏德殿時太子頗留意典墳然閑燕之後嬉戲過度百藥作贊道賦以諷焉太宗見而遣使謂百藥曰朕于皇

太子處見卿所獻賦悉述古來儲貳事以誠太子甚是  
典要朕選卿以輔弼太子正爲此事大稱所委但須善  
始令終耳因賜綵物五百段然太子卒不悟而廢

舊書本傳

銑按省躬賦一節新書不載

崔仁師定州安喜人轉爲鴻臚少卿遷民部侍郎征遼  
之役詔太常卿韋挺知海運仁師爲副仁師又別知河  
南水運仁師以水路險遠恐遠州所輸不時至海遂便  
宜從事遞發近海租賦以充轉輸及韋挺以壅滯失期  
降名爲民仁師以運夫逃走不奏坐免官旣不得去遂  
作體命賦以暢其情太宗還至中山起爲中書舍人尋  
兼檢校刑部侍郎太宗幸翠微宮仁師上清暑賦以諷

太宗稱善賜帛五十段仁師子湜湜子湜湜少以文辭知名舉進士爲太平公主所引元宗在東宮數幸其第恩意甚密湜旣私附太平公主時人咸爲之懼門客陳振鷺獻海鷗賦以諷之湜雖稱善而心實不悅及帝誅蕭至忠等湜賜死湜美姿儀早有才名弟液滌及從兄泣並有文翰居清要液尤工爲五言之作官至殿中侍御史坐兄配流逃匿于郢州人胡履虛之家作幽征賦以見意辭甚典麗遇赦還道病卒

舊書本傳

銑按體命賦一節新書不載

韋承慶字延休擢進士第補雍王府叅軍府中文翰悉委之承慶嘗謂人所以擾濁浮躁本之干心乃著靈臺

賦譏揣當世亦自廣其志

新書附章  
思謙傳

盧若虛多才博物隴西辛怡諫爲職方有獲異鼠者約  
首虎臆大如拳怡諫謂之鼯鼠而賦之若虛曰非也此  
許慎所謂鼯鼠豹文而形小一坐驚服

附盧藏  
用傳

楊再思鄭州武原人也歷事三主知政十餘年未嘗有  
所薦達爲人巧佞邪媚能得人主微旨然恭慎畏忌未  
嘗忤物長安永昌宗旣爲法司所鞠司刑少卿桓彥範  
斷解其職昌宗俄又抗表稱冤則天意將申理昌宗延  
問宰臣曰昌宗于國有功否再思對曰昌宗往因合鍊  
神丹聖躬服之有效此實莫大之功則天甚悅昌宗竟  
以復職時人貴彥範而賤再思也時左補闕戴令言作



兩脚野狐賦以譏刺之再思聞之大怒出令言爲長社

令朝士尤加嗤笑

舊書本傳

蕭至忠沂州人始在朝有風望容止閑敏見推爲名臣外方直糾擿不法而內無守觀時輕重而去就之始爲御史桓彥範等頗引重五王失政更因武三思得中丞附安樂公主爲宰相及韋氏敗遠發韋洵壘持其女柩歸後依太平復當國嘗出主第遇宋璟璟戲曰非所望于蕭傳至忠曰善乎宋生之言然不能自返也

新唐書列傳

銑按句出潘岳西征賦彼謂蕭望之此借言至忠耳司馬溫公通鑑作蕭君謨

盧藏用字子潛少以辭學著稱初舉進士選不調乃著

芳草賦以獻辭甚典美

舊書本傳

鄭惟忠宋州宋城人也儀鳳中進士舉中宗卽位甚敬重之擢拜黃門侍郎時議請禁嶺南酋領家畜兵器惟忠曰夫爲政不可革以習俗且吳都賦云家有鶴膝戶有犀渠如或禁之豈無驚擾耶遂寢

舊書本傳

劉子元名知幾以字行與兄知柔俱以善文詞知名擢進士第調獲嘉主簿武后時吏橫酷淫及善人公卿被誅死者踵相及子元悼士無良而甘于禍乃作思慎賦以刺時蘇味道李嶠見而歎曰陸機豪士之流乎周身之道盡矣

新書本傳

銑按思慎賦序曰賦形天地受氣陰陽生樂死哀進

榮退辱此人倫之大分也然歷觀自古以迄于今其  
有才位見稱功名取貴非命者衆克全者寡大則覆  
宗絕祀湮沒無遺小則繫獄下室僅而獲免速者敗  
不旋踵寬者憂在子孫至若保令名以沒齒傳詒厥  
于後允求之歷代得十一于千百某嘗迹其行事畧  
而論之至如望夷篡奪鴻溝戰爭包燕蓋之異志踐  
恭顯之邪迹或干紀亂常或窺窬僥倖此而獲罪固  
其宜也爭二城而相殺期五鼎以就烹獻魚炙以交  
鉞舞雞鳴而伏鑕或幸災樂禍或甘死狗生求而得  
之又何怨焉降茲以外有異于是莫不重七尺于泰  
山恡一毛于尺璧徙惡其死而不知救死之有方但

惜其生而未識衛生之有術何者地居流俗之境身  
當名利之路皆物之相物我之自我當仁不讓思倍  
萬以孤標唯利是視願半千而秀出行高于人衆必  
非之官大于國主必惡之而名譽娛其耳光榮炫其  
目口 腴豢嗤鈎吻之腐腸身安棟宇誠垂堂之折  
足自謂長無六疾永固百齡巋然可與金石齊堅松  
喬比壽者矣殊不知關張以傲誕爲將桑霍以滿盈  
居職量錯削國以獻忠伯宗匡朝而好直處父則純  
剛立性張溫則太明爲識見之者爲之寒心聞之者  
爲之變色亦猶卧于積薪之上而不知火之將然巢  
于折荇之末而不悟風之已至旣而惡稔孽盈道窮

數極黃沙在繫懷上蔡而無追白刃臨頸揮廣陵而  
長歎猶以爲禍出不虞災非素漸以茲自卜奚其謬  
歟假有舉一反三蠶分菽麥知豐屋之不誠悟覆車  
之足尤而皆晏安鳩毒遲疑猶豫交戰未勝而禍機  
先發不杜之于欲萌方悔之于既兆用使茂先將戮  
顧諱子而多慙安仁已收負慈親而永訣嗚呼自古  
所以殺身亡族者職由于此也因斯而言則知禍福  
無門唯人自召自貽伊戚匪降于天而謂之不幸未  
之聞也昔夫子有云仁遠乎哉我欲仁斯仁至矣竊  
以爲仁爲百行之首大聖其猶病諸然必以中才之  
人企勉而行猶或可及况其慎者蓋不過慎言語節

飲食知止足避嫌疑若斯而已矣非有朝聞夕死去  
食存信之難也違之則爲凶人蹈之則成吉士其爲  
宏益多矣而世人罕能修身厲己自求多福方更越  
禮過度坐致覆亡此宣尼所以譏鮑莊子之智不如  
葵而孫叔敖譬以螳螂伺蟬不知黃雀在後余早遊  
墳素晚仕流俗觀古今之人物極矣見吉凶之成敗  
衆矣夫貴不如賤動不如靜嘗聞其語而未信其事  
及身更之方覺斯言之徵矣加以守愚養拙怯進勇  
退每思才輕任重之誠智小謀大之憂觀止足于居  
常絕覬覦于不次是以度身而衣量腹而食進受代  
耕之祿退居負郭之田庶幾全父母之髮膚保先人

之邱壑一生之願于斯足矣。但才非上智，習以性成，猶恐覩芳餌而貪生，處鮑市而神化，苟或靜退之心，日弛則馳競之慾日增，顛沛以之嗟，何及矣。常思列銘几杖，取配韋弦，刻心骨而不忘，傳諷誦而無斂。蓋語曰：明鏡可以覽形，往古可以知今。是用尋往哲之事，驗古人之得失，寄彼形言，存諸炯誠，列之座右，題其賦云。

呂渭字君載，河中人。貞元中，素遷禮部侍郎，始中書省有古柳，建中末枯死。德宗自梁還，復榮茂人，以爲瑞。柳渭令貢士賦之，帝聞不以爲善。新書本傳

銑按舊書云：渭試進士，取瑞柳爲賦題，上聞而嘉之。

蔣乂字德源常州義興人也祖父代爲名儒而乂史官  
吳兢之外孫以外舍富文史幼便記覽不倦七歲誦庾  
信哀江南賦數徧而成誦在口以聰悟強力聞于親黨

間

舊書  
本傳

李泌字長源七歲知爲文元宗開元十六年帝召之泌  
旣至帝方與燕國公張說觀弈因使說試其能說請賦  
方圓動靜泌逡巡曰願聞其畧說因曰方若碁局圓若  
碁子動若碁生靜若碁死泌卽答曰方若行義圓若用  
智動若騁材靜若得意說因賀帝得奇童帝大悅

新書  
本傳

銑按舊書無

薛存誠字資明河東人父勝能文嘗作拔河賦詞致瀏



亮爲時所稱

舊書本傳

銑按武平一景龍文館記中宗幸梨園命侍臣爲拔河之戲以大麻絙兩頭繫千餘小索每索數人執之以挽力弱爲輸賦傳

李德裕字文饒幼有壯志苦心力學尤精西漢書左氏春秋耻與諸生同鄉賦不喜科試年纔及冠志業大成穆宗卽位召入翰林充學士長慶二年九月出德裕爲浙西觀察使敬宗荒僻日甚遊幸無恆疎遠賢能昵比羣小德裕身居廉鎮傾心王室遣使獻丹晨箴六首曰臣頃事先朝屬多陰沴嘗獻大明賦以諷頗蒙先朝嘉納臣今日盡節明主亦由是心雖在疎遠猶思獻替

舊書

本傳

陸扆字祥文宰相贊族孫客于陝遂爲陝人扆工屬辭敏速若注射然一時書命同僚自以爲不及昭宗優遇之帝嘗作賦詔學士皆和扆獨最先就帝覽之歎曰貞元時陸贄吳通元兄弟善內庭文書後無繼者今朕得之

新書本傳

元載久得君外委主書內縱諸子關通貨賄擠遣忠良進貪猥城中開南北二第近郊作觀榭名姝異伎雖禁中不逮帝盡得其狀載嘗獨見帝深戒之警然不校客有賦都盧尋橦篇諷其危載泣下而不知悟帝積怒收

載下詔賜自盡

新書本傳

袁滋字德深蔡州朗山人強學博記能爲春秋嘗以劉惔悲甘陵賦褒善斥惡吳春秋指然其文不可廢乃作

後序

新書本傳

袁朗雍州長安人陳尚書左僕射樞之子其先自陳郡仕江左世爲冠族陳亡徙關中朗勤學好屬文在陳釋褐秘書郎甚爲尚書令江總所重常製千字詩當時以爲盛作陳後主聞而召之入禁中使爲月賦朗染翰立成後主曰觀此賦謝希逸不能獨美于前矣陳亡仕隋爲尚書儀曹郎武德初爲齊王文學貞觀初卒

舊書文苑傳

謝偃衛州衛人貞觀初應詔對策高第太宗詔求直言偃上書陳得失帝稱善引爲宏文館直學士遷魏王府

功曹嘗爲塵影賦二篇帝美其文召見欲偃作賦先爲序一篇頗言天下乂安功德茂盛意受偃使賦偃緣帝指名篇曰述聖帝悅賜帛數十初帝卽位直中書省張藎古上大寶箴諷帝以民畏而未懷其辭挺切擢大理丞偃又獻惟皇誠德賦其序大畧言治忘亂安忘危逸忘勞得忘失四者人主莫不然桀以瑤臺爲麗而不悟南巢之禍殷辛以象箸爲華而不知牧野之敗是以聖人處宮室則思前王所以亡朝萬國則思已所以尊巡府庫則思金所以得視功臣則思其輔佐之始見名將則思其用力之初如此則人無易心天下何患乎不化哉且行之堯舜暮失之桀紂豈異人哉其賦蓋規帝成

功而自處至難云時李百藥工詩而偃善賦時人稱李

詩謝賦

新書文  
魏傳

杜甫字子美少貧不自振客吳越齊趙間李邕奇其材

先往見之舉進士不中第困長安天寶十三

三  
衍文

載元

宗朝獻太清宮饗廟及郊甫奏賦三篇帝奇之使得待制

集賢院命宰相試文章擢河西尉不拜改右衛率府胄

曹叅軍數上賦頌因高自稱道且言先臣恕預以來承

儒守官十一世追審言以文章顯中宗時臣賴緒業自

七歲屬辭且四十年然衣不蓋體常寄食于人竊恐轉

死溝壑伏惟天子哀憐之若令執先臣故事拔泥塗之

久辱則臣之述作雖不足鼓吹六經至沈鬱頓挫隨時

敏給揚雄枚舉可企及也有臣如此陛下其忍棄之上全  
銑按舊書元宗紀天寶十載正月乙酉朔壬辰朝獻  
太清宫癸巳朝饗太廟甲午有事于南郊合祭天地  
禮畢大赦天下杜甫朝享太廟賦曰壬辰旣格于道  
祖乘輿卽以是日致齊乎九室有事于南郊賦曰二  
之日朝廟之禮旣畢與舊紀甲子俱合又十三載二  
月癸酉上親朝獻太清宫甲戌饗太廟並無郊天地  
事則爲十載獻賦明矣舊書甫傳云天寶末竟不書  
年又與紀牴牾

楊炯華陰人幼聰敏博學善屬文則天初左轉梓州司  
法叅軍秩滿選授盈川令如意元年七月望日宮中出

孟蘭盆分送佛寺則天御洛南門與百寮觀之炯獻孟  
蘭盆賦詞甚雅麗炯與王勃盧照隣賁王以文詞齊  
名海內稱爲王楊盧賁亦號爲四傑

舊書文苑傳

王勃字子安絳州龍門人勃父福時爲雍州司戶參軍  
坐勃左遷交趾令上元二年勃往交趾省父道出江中  
爲採蓮賦以見意其辭甚美

全上

劉允濟字允濟河南華人工文辭與王勃齊名舉進士  
武后明堂成奏賦述功德手詔褒咨除著作郎

新書文苑傳

呂向字子回元宗開元十年召入翰林兼集賢院校理  
侍太子及諸王爲文章時帝歲遣使采擇天下姝好內  
之後宮號花鳥使向因奏美人賦以諷帝善之擢左拾

通

銑按唐寶泉著述書賦六千言并注二百四十句注云呂向東平人開元初上美人賦忤上時張說作相諫曰夫鬻拳脅君愛君也陛下縱不能用容可殺之乎使陛下後代有愎諫之名而向得敢諫之直與小子爲便耳不如釋之于是承恩特拜補闕賜綵百段衣服銀章朱紱翰林待詔頻上賦頌皆主諷諫可補史傳之闕

蕭穎士字茂挺四歲屬文十歲補太學生開元二十三年舉進士對策第一宰相李林甫欲見之穎土方父喪不詣林甫嘗至故人舍邀穎士穎士前往哭門內以待



林甫不得已前弔乃去怒其不下已調廣陵叅軍事  
士急中不能堪作伐櫻桃樹賦曰擢無庸之瑣質蒙本  
枝以自庇雖先寢而或薦非和羹之正味以譏林甫云  
君子恨其福並全

銑按舊書云林甫欲拔用之乃召見時穎士家居廣  
陵母喪卽縗麻而詣京師徑謁林甫于政事堂林甫  
大惡之卽令斥去 晁氏公武曰唐書云穎士作伐  
櫻桃賦以詆李林甫君子恨其福按集中載其辭有  
曰每俯臨乎蕭牆奸回得而窺伺蓋謂林甫之必致  
寇也其後果階祿山之亂唐遂不振然則穎士可謂  
知幾矣宜褒而反加以貶辭何哉

李華字遐叔趙郡人開元二十三年進士擢第華善屬文與蘭陵蕭穎士友善華進士時著含元殿賦萬餘言穎士見而賞之曰景福之上靈光之下

舊書文苑傳

吳武陵信州人元和初擢進士第爲太學博士太和初禮部侍郎崔郾試進士東都公卿咸祖道長樂武陵寂後至謂郾曰君方爲天子求奇材敢獻所益因出袖中書招笏郾讀之乃杜牧所賦阿房宮辭旣警拔而武陵音吐鴻暢坐客大驚武陵請曰牧方試有司請以第

一人處之郾謝已得其人至第五郾未對武陵勃然曰不爾宜以賦見還郾曰如教牧果異等後出爲韶州刺

史

新書文苑傳

許景先常州義興人後徙家洛陽少舉進士授夏陽尉  
神龍初東都起聖善寺報慈閣景先詣闕獻大像閣賦  
詞甚美麗擢拜左拾遺

舊書文苑傳

銑按新書云神龍初東都造服慈閣景先獻賦李迥  
秀見其文畏歎曰是宜付太史

孫述潞州涉縣人述幼而英俊文思敏速始年十五謁  
雍州長史崔日用日用小之令爲土火爐賦述握翰卽  
成詞理典贍日用覽之駭然遂爲忘年之交以是價譽  
益重開元十年應制登文藻宏麗科拜左拾遺

全上

徐彥伯兗州瑕丘人名洪以字顯七歲能爲文爲衛州  
刺史政善狀璽書嘉勞移蒲州以近畿會郊祭上南郊

賦一篇辭致典縟擢修文館學士工部侍郎

新書本傳

銑按朝野僉載曰徐彥伯爲文多求新異以鳳閣爲  
鵝闌龍川爲蚪戶金谷爲銑溪玉山爲瓊岳以芻狗  
爲卉犬以竹馬爲篠驂以月兔爲陰魄以風牛爲姦  
犢後進效之謂爲澀體

張九齡字子壽韶州曲江人李林甫無學術見九齡文  
雅爲帝

元宗

知內忌之帝將以涼州都督牛仙客爲尚書

九齡執不可帝不悅林甫進曰仙客宰相材也帝由是  
決用仙客不疑九齡旣戾帝旨因內懼恐遂爲林甫所  
危因帝賜白羽扇乃獻賦自況其末曰苟効用之得所  
雖殺身而何忌又曰縱秋氣之移奪終感恩于篋中帝

雖優咎然卒以尚書右丞相罷政事而用仙客

新書本傳

楊琮字孝璋爲上津令會天下亂去官與秦王同里居武德初爲王府叅軍兼庫直隱太子事平詔親王宰相一人入宴而琮獨預太宗賜琮懷昔賦申以恩意

新書附楊

傳

楊伯父志操頗剛簡未遇時著閑居賦自託常曰得田十頃僮婢十人下有兄弟布粟之資上可供先公伏臘足矣位終司屬卿安平縣男

全上

李程字表臣襄陽恭王神符五世孫也擢進士宏詞賦日五色造語警拔士流推之

新書宗室宰相列傳

徐浩字季海越州人擢明經有文辭張說稱其才繇魯

山主簿薦爲集賢校理見喜雨五色鵲賦咨嗟曰後來

之英也

新書本傳

楊敬之字茂孝元和初擢進士第敬之嘗爲華山賦示

韓愈愈稱之士林一時傳布李德裕尤咨賞

新書附楊憑傳

高郢字公楚衛州人九歲通春秋工屬文著語默賦諸

儒稱之

新書本傳

劉禹錫字夢得擢進士第登博學宏辭科工文章王文

叔得幸太子禹錫以名重一時與之交憲宗立叔文等

敗禹錫貶連州刺史未至斥朗州司馬禹錫久落魄鬱

不自聊其吐辭多諷託幽遠作問大鈞謫九年等賦數

篇

新書本傳

柳宗元字子厚少精敏絕倫爲文章卓偉精敏第進士  
博學宏辭科善王叔文韋執誼叔文敗貶邵州刺史不  
半道貶永州司馬旣竄斥地又荒謫因自放山澤間其  
湮厄感鬱一寓諸文倣離騷數十篇讀者咸悲惻宗元  
不得召內閔悼悔念往客作賦自倣

新書  
本傳

銑按賦載本傳卽集中懲咎賦也

舒元興婺州東陽人始學卽警悟元和中舉進士元興  
爲牡丹賦一篇時稱其工死後帝觀牡丹凭闌誦賦爲  
泣下

新書  
本傳

銑按蘇鶚杜陽雜編云上于內殿前看牡丹翹足凭  
闌忽吟舒元興牡丹賦云俯者如愁仰者如語合者

如咽吟罷方省元興詞不覺嘆息良久泣下沾臆

田頽字德臣善遇士若楊夔康駢夏侯淑殷文圭王希羽等皆爲上客夔知頽不足亢行密著溺賦以戒頽不

用

新書本傳

顏春卿倜儻美姿儀通世務十六舉明經拔萃高第調犀浦主簿轉蜀尉蘇頽代爲長史被譖繫獄爲櫻欄賦

自託頽遽出之

新書忠義列傳附顏杲卿傳

元德秀字紫芝河南河南人善文辭作蹇士賦以自况

新書卓行傳

陸羽字鴻漸復州竟陵人幼時得張衡南都賦不能讀

危坐效羣兒嘽嘽若成誦狀

新書隱逸傳



孫思邈京兆華原人也弱冠善談莊老及百家之說兼  
好釋典周宣帝時隱居太白山及太宗卽位召詣京師  
顯慶四年高宗召見上元元年辭疾請歸特賜鄱陽公  
主邑司以居焉當時知名之士宋令文孟詵盧照鄰等  
執師資之禮以事焉思邈嘗從幸九成宮照鄰留在其  
宅時庭前有病梨樹照鄰爲賦

舊書方  
伎傳

王績字無功絳州龍門人隋大業中應孝悌廉潔舉授  
揚州六合縣丞非其所好棄官還鄉里結廬河渚以琴  
酒自樂嘗遊北山因爲北山賦以見志

舊書隱  
逸傳

吳筠魯中之儒士也少通經善屬文性高潔不奈流俗  
乃入嵩山依潘師正爲道士元宗聞其名遣使徵之旣

至與語甚說令待詔翰林筠在翰林時特承恩顧繇是  
爲羣僧之所嫉驃騎高力士素奉佛嘗短筠于上前筠  
不悅乃求還山故所著文賦深詆釋氏亦爲通人所譏  
然詞理宏通文彩煥發每製一篇人皆傳寫雖李白之  
放蕩杜甫之壯麗能兼之者其唯筠乎 全上

銑按筠字貞節華陰人大歷中卒弟子謚爲宗元先  
生有宗元先生集十卷權德輿序

宋庭瑜妻魏氏定州鼓城人隋著作郎彥泉之後也世  
爲山東士族父克已有詞學則天時爲天官侍郎魏氏  
善屬文先天中庭瑜自司農少卿左遷涪州別駕魏氏  
隨夫之任中路作南征賦以敘志詞甚典美開元中庭

瑜累遷慶州都督初中書令張說年少時爲充已所重  
魏氏恨其夫爲外職乃作書與說敘亡父疇昔之事並  
爲庭瑜申理乃錄南征賦寄說說歎曰曹大家東征之  
流也庭瑜尋轉廣州都督道病卒魏氏旬日亦殞時人  
莫不傷之

舊書列女傳

奉天縣竇氏二女伯娘仲娘雖長于村野而幼有志操  
住與邠州接界永泰中草賊數十人持兵刃入其村落  
行剽劫聞二女有容色姊年十九妹年十六藏于巖窟  
間賊徒擬爲逼辱乃先曳伯娘出行數十步又曳仲娘  
出賊相顧自慰行臨深谷伯娘曰我豈受賊污辱乃投  
之于谷賊方驚駭仲娘又投于谷谷深數百尺姊尋卒

仲娘脚折面破血流被體氣絕良久而蘇賊義之而去  
京兆尹第五琦感其貞烈奏之詔旌表門閭長免丁役  
二女塋事官給京兆尹曹陸海著賦以美之

全上

鄒待徵妻薄者從待徵官江陰袁晁亂薄爲賊所掠將  
汚之不從語家媼使報待徵曰我義不辱卽死于水賊  
去得其尸義聲動江南聞人李華作哀節婦賦

新書列女傳

林邑國漢日南象林之地在交州南千餘里貞觀初遣  
使貢馴犀五年又獻五色鸚鵡太宗異之詔太子右庶

子李百藥爲之賦

舊書南蠻傳

銑按太宗威鳳賦謝偃惟皇誠德賦載舊書本傳柳  
宗元懲咎賦載新書本傳不錄

終